

استانبوله کتیرسون آمدن صگره هر کولنی برده حافظ عثمانه تصادف  
ایتدیرسونده مقصودینه نائل اوله یلسون اوله می؟ (\*) اما ضیای  
شمس مملوک اداره سنک مظالمه حاجت برامیورمش دأما حافظ عثمانی  
بولغده لزوم کوسرمیورمش اوارلی صاحب ورقه نکه نه وظیفه سی؟  
آوج آوج آلتون صرف ایده جک کولمن بولمزسه بر بیچاره پدیده  
چوجو غنی اوقونق آرزو ایدنجبه اقوات ضروریه سنندن آوج بش  
آلتون قصر ایدرک بر اوقونمز کلام قدیم تدارک ایدر یا! اما تدارک  
ایده جکی کلام قدیمک یازسی حافظ عثمان خطنه بکره مزمش نسخه سی  
صحیح اولزمش. صاحب ورقه نکه محمیلری کینور یا! هر کس ملتی  
انسانی، رفیاتی اخرتیمی دوشونه جک؟ تعصبی احتکاره وسیله ایتمک نه  
کونه طورینور.  
«.....»

سز کتاب الله تعظیم اولندی سوزنده اصرار ایتدیجه بنده کزده  
بر کلام قدیمک تمیلنده کافه شرائط شرعییه رعایت اولدیغنی و دخولنه  
جانب دولتمدن بونک ایچون رخصت ویرلدیکنی تکرار دن کیرو طوره  
میدجغم:

خطاطلق بجنده کلنجه:

نه بیوک بدبختلق؟ ظاهر قرون اولیده کی مسلمانلر نائل اولدقلری  
ترقی حسن خط سابه سنده قازاندیلر می؟ ظاهر آوروپالیر باصمه بی ایجاد  
ایدرک خطاطلغی رخنه دار ایتدیله آچلقدن اوله جک بر حاله کلدیلر می؟  
وجودت خطده انفراد ایدن ملتلرک قارشوسنده حزان یاراغی کبی دتره  
میورلر می؟ الله اسیرکسون بویله نوا ایجاد شیلر چیقارسه حالنزه ره به وارر؟  
دلکیزی تعرض اعدادن حفظ ایدن حسن خط دکلیدر؟ حسن  
(\*) کویا بو کلام قدیمی کولمردن بری حسن خطنه مفتون اولدیغیچون برچوق  
پاره ویره رک حافظ عثمانه یازدیرمش امش.

خط اولمزسه دولتی باقی اولور؟ اسلامی قالیر؟ معارغی رفی ایدر؟  
آوروپانک صنایعه قارشیمی طوریلیر؟ تجارتی قابل اولور؟ طوبراقدن  
محصولمی آلتنه بیلیر؟ حقیقت! محاکمه، نظامانه، مکتبلره، مالیهیه، بوللره،  
تیمور بوللرینه، واپورلره، تلغرافلره، اسطویه، فوطوغرافیه ویریلان  
اهمیتلر هپ بادهورلر.  
ملکمرده نسخ خطاطی قالمیه جق اصل اوراستی دوشونملی. امان  
یاری بو ایشک نتیجه سنده عجا مہدی می چیقاجق؛ یوقسه قیامتی قوپاجق؟  
«زان زاق روسو» نکه «نوول الویئر» نام اثرندن سعادتلو  
عالی بک افندی حضرتلرینک ترجمه و اهدا بیورمش  
اولدقلری ایکی مکتوبدر.

### رنجی مکتوب

«سن پرو» دن «ژولی» به. (\*)

سز دن تباعدم لازم کلپور. مادمو آزل! اوله حس ایدیورم؛ بو قدر  
بگلماملی و یاخود دها طوغریسی سزی هیچ کورماملی ایدم. لکن بو  
کونکی کونده نه یاپیم؟ نصل ایدیم؟ بکا دوستلق وعد ایتدیکنز  
اضطراب دروغه باقکزده بر نصیحت ویریکز.  
یلورسککز که خانه گزه مجرد والده کز مادامک دعوتی اوزرینه  
کیردم. اولدیجه بهره مند هنر و معرفت اولدیغمی بیله رک پرستش راده سنده  
(\*) روسونک بو کتابه یازدیغی مقدمه کندی مخصوصاتندن اولان و مألوف  
اولمیانلره کور، غریب بر یولده کورینان محاکات فیلسوفانه بی حاوی اولقله بالترجمه  
کله جک نسخه به درجی مقرر در. (للتابع)